



Мамлакатимиз турли шаҳарларида Матбуот ва оммавий ахборот воситалари ходимлари кунига бағишланган спорт мусобақалари ташкил этилди. Уларда ҳамкасбларимиз спортнинг мини-футбол, стол тенниси, ўқ отиш, сузиш турларида ўз имкониятларини синаб кўришди.

Майдонда ижодкорлар

Ўзбекистон футбол федерацияси уюштирган мини-футбол мусобақаси Мамлакатимиз мустақиллигининг 20 йиллиги ва касб байрамимизга бағишланди. Унда «Ўзбекистон овози» газетаси ижодкорларидан тузилган жамоа ҳам фаол иштирок этди.

Дастлаб 16 жамоа ўртасида саралаш ўйинлари ўтказилди. Баҳслар натижасига кўра жамоамиз «С» гуруҳидан жой олди. Гуруҳда ўтказилган иккала учрашувда ҳам рақибларини мағлуб этган газетамиз жамоаси Ўзбекистон футбол федерациясининг кичик кубоги ва эсдалик совғалари билан тақдирланди.

Биз спорт мусобақаларида голиб чиққан барча ижодкор дўстларимизни касб байрами билан кутлаймиз. Уларнинг спорт мавзусида бундан кейин ҳам қизиқарли материаллар тайёрлашига тилақдошимиз.

(Ўз мухбиримиз)

Ўзбекистон ўсмирлар терма жамоаси нимчорак финалда!

Навбатдаги рақибимиз Австралия

Ўсмирлар ўртасида Мексикада ўтаётган жаҳон чемпионатида қатнашаётган мамлакатимиз терма жамоаси «D» гуруҳининг сўнгги учрашувида чехиялик рақибларини 2:1 ҳисобида мағлуб этиб, ўз гуруҳида биринчи ўринни кўлга киритди.

Ўзбекистон терма жамоасининг бу натижаси бутун дунёни лол қолдирди. Мундиалда дебютант жамоанинг ўз гуруҳида биринчи ўринни кўлга киритиши илк бор кузатилди. Шу боис ўсмирларимизнинг кўлга киритган муваффақияти ҳар қанча мақтовга арзийди.

Чехия билан учрашувдан олдин Алексей Евстафеев иштирокида матбуот конференцияси ўтказилди. Анжуман бошида қизиқ воқеа юз берди. ФИФАнинг матбуот котибиди, чилилик Майкл Бойз мана учинчи матбуот-конференцияси ўтказилаётгани, Ўзбекистон терма жамоаси бош мураббийи Алексей Евстафеевнинг фамилиясини тўғри талаффуз қила олмай қийналади. Бу сафар ҳам журналистларга бизнинг бош мураббийини таништирар экан, у аввалгиларида нисбатан деб тўғри талаффуз қилди. «Евстафеев» ва ўнг ёнида ўтирган бош мураббийга қараб, «Кўрдингизми, анча ўрганиб қолдим. Хали финалгача ёд бўлиб кетади», деб аудиторияга енгил қўлги билан илиқлик олиб кирди. Жаҳон оммавий ахборот воситалари вакиллари терма жамоамизга қанчалик ишонч билдираётганлигига юқоридаги гаплар асос бўлади.

Чехия ўсмирларига қарши ўйинни ҳам йигитларимиз олдинги учрашувда бўлгани каби ишонч билан ўтказишди. Беллашувнинг 22-дақиқасида чехлар ҳисобни очилганда ҳам футболчиларимиз тушқунликка тушмасдан олдинга интилишди. Биринчи бўлим сўнггида Тимур Ҳақимов ҳисобни тенглаштирган бўлса, иккинчи бўлимда Аббос Махсалиев ҳал қилувчи голни киритиб терма жамоамизнинг ғалабасини таъминлади.

Учрашувдан кейинги матбуот анжуманида бош мураббий Алексей Евстафеев қуйидагиларни айтиб ўтди:

— Бундай қийин учрашувдан сўнг одам ўзини жуда бошқача ҳис қилади. Хурсандчилигимнинг чеки йўқ. Футболчиларимиз билан фахрланаман. Торреонда борган сари терма жамоамиз ишқибозлари кўпайиб бормоқда. Улар жон-жаҳди билан бизга мухлислик қилишапти. Бу эса жамоамизга кўшимча куч ва иштиёқ бағишламоқда. Кеча ҳам айтганим, яна такрорлайман, ҳамма-ҳаммаси учун раҳмат. Улар бизни тинимсиз кўллаб-қувватлаб туришди. Ўйинчиларимиз ҳам буни ҳис этишди ва Торреонда ҳаммадан эўр эканликларини яна бир бор исботлашди. Биз бутун кучимизни ғалаба қозонишга сарфляпмиз. Мамлакатимиздан турри кўллаб-қувватлаётган мухлисларимизнинг ишончини оқлаймиз.

Забихилло Ўринбоев, терма жамоамиз ҳужумчиси:

— Ҳозир ҳамма хурсанд. Жуда ҳам мамнунмиз. Бу ёғма ҳам яхши ўйин кўрсатишда давом этамиз. Оила аъзоларимиз, қариндош-уруғлар билан телефон орқали гаплашдик. Рақибимиз ким бўлишидан қатъи назар, биз ғалаба учун ўйнаймиз. Бизни кўллаб-қувватлаб турганингиз учун барчангизга раҳмат. Юртимизга олтин медаль билан қайтишга ҳаракат қиламиз.

Мексикалик мухлисларнинг ёқимтойига айланган 11-рақамли Тимур Ҳақимов ҳақида бугунги кунда Мексика матбуоти, дунё оммавий ахборот воситалари вакиллари жуда кўп ёзмоқда. Бу эътибор Ҳақимовга қандай таъсир қилади? «Бу оддий ҳолат деб ўйлайман. Яхши ўйнасанг, доимо сен ҳақингда ёзилади. Гол



уролмасанг, кам тилга олинсан. Матбуотнинг эътиборида бўлиш ёқимли албатта. Кейинги учрашувларда бундан-да яхшироқ ўйнашга ҳаракат қиламан», — дейди Тошкентнинг «Пахтакор» клуби аъзоси.

Терма жамоамиз нимчорак финалда «F» гуруҳида учинчи ўринни кўлга киритган Австралия ўсмирлар терма жамоаси билан куч синашади. Бошқа нимчорак финал жуфтликлари қуйидагича кўриниш ҳосил қилган: **29 июнь, соат 1.00.** Ўзбекистон — Австралия, Бразилия — Эквадор.

Соат 4.00. Конго — Уругвай, Япония — Янги Зеландия. **30 июнь, соат 1.00.** Германия

— АКШ, Англия — Аргентина. Соат 4.00. Франция — F2, Мексика — Панама.

Дарҳақиқат, терма жамоамизнинг жаҳон чемпионатида кўрсатаётган ажайиб ўйинларига жаҳон футбол жамоатчилиги тан берапти. Ҳамдўстлик мамлакатлари орасида ягона бўлганимиз учун ҳам улар бизни қизғин кўллашмоқда. Дунё оммавий ахборот воситаси вакиллари футболчиларимизга юқори баҳо беришапти. Ишонамизки, футболчиларимизнинг зафарли одими давом этади. Биз Мексикадан янги-янги хушxabарлар кутиб қоламиз.

Темур АЪЗАМ,
«Ўзбекистон овози» мухбири.

Маънавият тадбирлари

Қашқадарё вилоят ҳокимлигида «Мустақиллик ва маънавият» мавзусида ўқув-амалий семинар бўлиб ўтди. Анжуманни вилоят ҳокими, Олий Мажлис Сенати аъзоси Н.Зайниев очди.

Президентимизнинг «Ўзбекистон Республикасида давлат мустақиллигининг йилгирма йиллигини нишонлашга тайёргарлик кўриши ва уни ўтказиш тўғрисида»ги қарори асосида қабул қилинган вилоят ҳокимининг қарорига мувофиқ 15 июндан 15 августгача вилоятда «Маънавият 60 кунлиги» тадбирларини ўтказиш белгиланган. Шунга асосан олимлар, профессор-ўқитувчилар, ёш тарғиботчилар, «Ниҳол» ва Зулфия номидаги Давлат мукофоти совриндорларидан иборат тарғиботчилар гуруҳи ташкил этилди. Бугунги кунда вилоятнинг барча ҳудудларида ўтказилаётган «Буюк ва муқаддасан, мустақил Ватан!» эзгу ғоясини ўзида мужассам этган маданий-маърифий тадбирларда Ватанимиз қиёфасининг йилдан-йилга тубдан ўзгараётганлиги, шаҳар ва қишлоқларимизнинг янада обод бўлиб бораётганлиги, амалга оширилаётган кенг қўламли ислохотлар, иқтисодий тизимнинг ўсиш суръатлари, халқимизнинг ҳаёт ва фаровонлик даражаси ошиб бораётгани, илм-фан, санъат, спорт ва бошқа соҳаларда жадал ўсиш кузатилаётгани тўғрисида фикр-мулоҳазалар фахр билан айтиляпти.

Семинарда сўзга чиққанлар маънавий-маърифий тадбирларда юртимиздаги бунёдкорлик ва ўзгаришларни аҳолига, айниқса, ёшларга таъсирчан ҳаётий мисолларда очиб бериш кераклигини таъкидлашди.

Музаффар ТУРОПОВ

ЎзХДП Фарғона вилояти Бувайда туман кенгаши

Матбуот ва оммавий ахборот воситалари ходимлари кўни муносабати билан фидойи журналистларимизни самимий муборакбод этади.

Халқимизнинг турмуш фаровонлигини ошириш, мамлакатимизда демократик жараёнларни чуқурлаштириш, фуқарорлик жамиятини ривожлантириш йўлидаги меҳнатингиз бардавом бўлсин!

Ўзбекистон Республикаси Ташқи иқтисодий фаолият Миллий банки

миллий валютада янги муддатли омонатлар амалга киритилганлигини маълум қилади:

«Ёзги»

- сақлаш муддати — 2 ой;
- омонатга қўшимча бадаллар қабул қилинмайди;
- фоизлар омонат муддати тугагандан сўнг тўланади;
- бадал миқдори чекланмаган;
- омонатга маблағ қабул қилиш 2011 йилнинг 1 сентябрига қадар амалга оширилади.

«Эҳтиром»

- сақлаш муддати — 1 ой;
- омонатга қўшимча бадаллар қабул қилинмайди;
- фоизлар омонат муддати тугагандан сўнг тўланади;
- бадал миқдори чекланмаган;
- омонатга маблағ қабул қилиш 2011 йилнинг 1 августига қадар амалга оширилади.

Жамғармаларини бошқаришни бизга ишониб топширганларнинг фаровонлиги учун ўзимизни масъул деб ҳисоблаймиз!
Кўшимча маълумотларни 235-42-83, 234-14-14 телефонлари орқали ёки банкнинг исталган бўлими/филиалидан олишингиз мумкин.

www.nbu.com Хизматлар лицензияланган

MUASSIS:

O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TAHIRIR HAY'ATI:

Abdulla ORIPOV	Ulug'bek MUSTAFOYEV	Muslihidin MUHIDDINOV
Latif G'ULOMOV	Tat'yana KISTANOVA	Ochilboy RAMATOV
Bobir ALIMOV	(Bosh muharrir o'rinbosari)	Saidahmad RAHIMOV
Sharbat ABDULLAYEVA	G'affer HOTAMOV	
Murodulla ABDULLAYEV	(Bosh muharrir o'rinbosari)	

BO'LIMLAR:

Partiya hayoti — 233-10-13; Madaniyat va sport — 233-69-45; Ijtimoiy hayot va iqtisodiyot — 233-44-55; Jamoatchilik bilan aloqalar va huquqiy targ'ibot — 233-12-56; Reklama va e'lonlar — 233-38-55, 233-47-80; Kotibiyat — 233-72-83, 236-55-17.

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonaning manzili: Buyuk Turok ko'chasi, 41-uy. Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 649
17413
nuxsada bosildi.

t — Tijorat materiallari
Topshirish vaqti — 21.00
O'zA yakuni — 20.45
Topshirilgan vaqti — 23.00

Sotuvda erkin narxda

Navbatchi: Dilshod NARZULLAYEV

Sahifalovchi-dasturchilar: Sobirjon TUNG'ATOV, Zafar BAKIROV

ISSN 2008-7633

1 2 3 4 5